

Suahili

La lingua **suahili** es un lingua bantu parlada par etnicas variosa ci abita estendes grande de la costa de Cenia norde a Mosambic norde, incluinte la isolas de Comori. An si sola sinco milion persones parla suahili como se lingua nativa, la cuantia completa de parlores es plu ca 60 milion persones, car lo es usada como un lingua franca en un parte grande de Africa este. Lo es un lingua nasional o ofisial en sinco nasiones: Tanzania, Cenia, Uganda, Comori, e la Republica Democrata de Congo.

Alga vocabulo en suahili es derivada de arabi tra plu ca 12 sentenios de contata con la abitores de la costa de Africa sude-este cual parla arabi. Lo ia adota ance parolas de farsi, deutx, portuges, engles, e franses par contata tra la sinco sentenios la plu resente.

La ordina de parolas en un frase es sujeto-verbo-ojeto, como lfn.

Suahili ave multe clases e otra afisas, cual comun acorda la un con la otra. Per esemplo, en la frase *Mtoto mdogo amekisoma* (La enfante peti ia leje lo (un libro)), *mtota* (enfante) governa la prefisa *m-* de *mdogo* (peti) e la prefisa *a-* de *amekisoma* (el ia leje lo (un libro)). En *amekisoma*, *-me-* sinifia "perfeta" e *-ki-* sinifia la ojeto e acorda con la parola implicada, *kitabu* (libro). Si on vole plurali "enfantes", la frase deveni *Watoto wadogo wamekisoma*, e si on vole plurali ance "los (libros)", la frase deveni *Watoto wadogo wamevisoma*.

Clases de nomes

Como tota otra linguas bantu, suahili usa clases de nomes. Suahili usa 16 clases, con ses per nomes singular, sinco per nomes plural, un per nomes astrata, un per infinitivos, e tre per indica locas.

Suahili Kiswahili

Parlada en: Tanzania, Cenia, Republica Democratial de Congo, Mosambic (xef Muani), Burundi, Ruanda, Uganda, Comori, Malaii, Madagasicara e Sudan Sude

Area:

Tota parlores: 2 a 15 milion

Familia: Linguas Nijer-Congo

State ofisial

Lingua ofisial de: Tanzania, Cenia, Republica Democratial de Congo, Uganda, Comori, Uni African

Regulada par: Baraza la Kiswahili la Taifa (Tanzania), Chama cha Kiswahili cha Taifa (Cenia)

Sifras

ISO 639-1: sw (<http://www.sil.org/iso639-3/documentation.asp?id=sw>)

ISO 639-2: swa (<http://www.sil.org/iso639-3/documentation.asp?id=swa>)

ISO 639-3: [1] (<http://www.sil.org/iso639-3/documentation.asp?id=swa>)

SIL: [2] (<http://www.sil.org/iso639-3/documentation.asp?id=swa>)

Mapa



La areas do es parlada

Vide ance: [Lingua](#) – [Lista de linguas](#)

clase	semantica	prefisa	singular	tradui	plural	tradui
1, 2	<i>persones</i>	m-/mu-, wa-	mtu	<i>person</i>	watu	<i>persones</i>
3, 4	<i>arbores e forsas natural</i>	m-/mu-, mi-	mti	<i>arbor</i>	miti	<i>arbores</i>
5, 6	<i>grupos, aumentas</i>	Ø/ji-, ma-	jicho	<i>oio</i>	macho	<i>oios</i>
7, 8	<i>fabricadas, diminuis</i>	ki-, vi-	kisu	<i>cotel</i>	visu	<i>coteles</i>
9, 10	<i>animales, parolas de otra linguas, otras</i>	Ø/n-, Ø/n-	ndoto	<i>sonia</i>	ndoto	<i>sonias</i>
11, 12	<i>estendes</i>	u-, Ø/n-	ua	<i>serca, patio</i>	nyua	<i>sercas</i>
14	<i>astratas</i>	u-	utoto	<i>enfantia</i>	–	

Afisas per verbos

La verbos de suahili es composada de un radis e alga afisas cual espresa persones, tempos, e suordinas.

Verbos orijinal bantu fini en -a en la modo indicativa. Esta vocal cambia per indica nega e subjuntiva.

ni- -na- kata
1sg definida corti

'me corti (lo)'

u- -na- kata
2sg definida corti

'tu corti (lo)'

u- -me- kata
2sg perfeta corti

'tu ia corti'

La prefisas per sujetos e ojetos umana o animada, con la *ma-/wa-* (clase umana) en la person tre es...

sujeto prefisas			ojeto prefisas		
person	sg.	pl.	person	sg.	pl.
1	<i>ni-</i>	<i>tu-</i>	1	<i>-ni-</i>	<i>-tu-</i>
2	<i>u-</i>	<i>m-</i>	2	<i>-ku-</i>	<i>-wa- (-mu-)</i>
3	<i>a-</i>	<i>wa-</i>	3	<i>-m-</i>	<i>-wa-</i>

La prefisas plu comun per tempos es...

prefisas per tempo e moda	
<i>-a-</i>	tempo nondefinida (jeneral, pe "aves vola")
<i>-na-</i>	tempo definida (plu comun, progresante de presente)
<i>-me-</i>	perfeta
<i>-li-</i>	pasada
<i>-ta-</i>	futur
<i>hu-</i>	abitual (no usa un prefisa per la sujeto)
<i>-ki-</i>	dependente

persones en la
tempo
nondefinida

1	<i>na-</i>	<i>twa-</i>
2	<i>wa-</i>	<i>mwa-</i>
3	<i>a-</i>	<i>wa-</i>

na- *soma*
1sg:nondef leje

'me leje'

mwa- *soma*
2pl:nondef leje

'vos leje'

Dependente:

ni-ki-nunua nyama ya ng'ombe soko-ni, ni-ta-pika leo.
'Si me compra carne de bove a la mercado, me va coce lo oji.'

La junta "si" es traduida par *-ki-*.

Un prefisa tre es la prefisa de ojeto, o como "el" o como "la...":

a- na- mw- ona
3sg def 3sg.ojeto vide

'El (es) vide(nte) el'

ni- na- mw- ona mtoto
1sg def 3sg.ojeto vide enfante

'Me (es) vide(nte) la enfante'

La sufisa *-a* indica la moda positiva indicativa. Otra formas aveni con nega e la sujunta, como en *sisomi*:

si- som- -i
1sg.nega-presente leje nega

'Me no es lejente, me no leje'

Otra casos de esta cambia de la vocal final inclui la subjuntiva con *-e*, cual opera sola per verbos bantu cual fini con *-a*.

Otra sufisas es ponedas ante la vocal final, pe la applicativa *-i-* e la pasiva *-w-*:

wa- na- pig -w -a
3pl def colpa pasiva indicativa

'Los es colpada'

Retraeda de "<https://fn.wikipedia.org/w/index.php?title=Suahili&oldid=20656>"

La edita la plu resente de esta paje ia es a 24 junio 2018, a 21:42

Testo es disponeda su la Lisensa Attribution-ShareAlike de Creative Commons; plu restrinjes pote pertine. Vide Contrata de usa per detalias.